

0.0.1 nibbedhikasuttaṃ

0. sāvattthinidānaṃ

1. nibbedhikapariyāyaṃ vo bhikkhave dhammariyāyaṃ desissāmi. taṃ suṇātha, sādhukaṃ manasi karotha. bhāsissāmiti. evambhanteti kho te bhikkhū bhagavato paccassosum bhagavā etadavoca:
2. katamo ca so bhikkhave nibbedhikapariyāyo dhammapariyāyo
3. kāmā bhikkhave veditabbā, kāmānaṃ nidānasambhavo veditabbo, kāmānaṃ vemattatā veditabbā, kāmānaṃ vipāko veditabbo, kāmanirodho veditabbo, kāmanirodhagāminīpaṭipadā veditabbā.
4. vedanā bhikkhave veditabbā, vedanānaṃ nidānasambhavo veditabbo, vedanānaṃ vemattatā veditabbā, vedanānaṃ vipāko veditabbo, vedanānirodho veditabbo, vedanānirodhagāminīpaṭipadā veditabbā.
5. saññā bhikkhave veditabbā, saññānaṃ nidānasambhavo veditabbo, saññānaṃ vemattatā veditabbā, saññānaṃ vipāko veditabbo, saññānirodho veditabbo, saññānirodhagāminīpaṭipadā veditabbā.
6. āsavā bhikkhave veditabbā, āsavānaṃ nidānasambhavo veditabbo, āsavānaṃ vemattatā veditabbā, āsa-

vānaṃ vipāko veditabbo, āsavanīrodho veditabbo, āsavanīrodhagāminīpaṭipadā veditabbā.

7. kammaṃ bhikkhave veditabbā, kammānaṃ nidānasambhavo veditabbo, kammānaṃ vemattatā veditabbā, kammānaṃ vipāko veditabbo, kammanīrodho veditabbo, kammanīrodhagāminīpaṭipadā veditabbā.

8. dukkhaṃ bhikkhave veditabbā, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhanīrodho veditabbo, dukkhanīrodhagāminīpaṭipadā veditabbā.

9. kāmā bhikkhave veditabbā, kāmānaṃ nidānasambhavo veditabbo, kāmānaṃ vemattatā veditabbā, kāmānaṃ vipāko veditabbo, kāmanīrodho veditabbo, kāmanīrodhagāmiṇī paṭipadā veditabbāti iti kho pane-taṃ vuttaṃ. kiñcetaṃ paṭicca vuttanti.

10. pañcime bhikkhave kāmagaṇā: cakkhaviṭṭeyyā rūpā iṭṭhā kantāmanāpā piyarūpā kāmūpasamhitā rajaniyā. sotaviṭṭeyyā saddāiṭṭhā kantāmanāpā piya saddā kāmūpasamhitā rajaniyā. ghānaviṭṭeyyā gandhā iṭṭhā kantāmanāpā piya kandhā kāmūpasamhitā rajaniyā. jivhaviṭṭeyyā rasā iṭṭhā kantā manāpā piyarasā kāmūpasamhitā rajaniyā. kāyaviṭṭeyyā photṭhabbā iṭṭhā kantāmanāpā piyarūpā kāmūpasamhitā rajaniyā. apica kho bhikkhave nete kāmā, kāmagaṇā nāmete ariyassa vinaye vuccanti.

saṅkapparāgo purisassa kāmo,
 nete kāmā yāni citrāni loke;
 saṅkapparāgo purisassa kāmo,
 tiṭṭhanti citrāni tatheva loke,
 athettha dhīrā vinayanti chandanti.

11. katamo ca bhikkhave kāmānaṃ nidānasambhavo:
 phasso bhikkhave kāmānaṃ nidāna sambhavo.

12. katamā ca bhikkhave kāmānaṃ vemattatā: añño
 bhikkhave kāmo rūpesu, añño kāmo saddesu, añño
 kāmo gandhesu, añño kāmo rasesu, añño kāmo phoṭ-
 ṭhabbesu. ayaṃ vuccati bhikkhave kāmānaṃ vemat-
 tatā.

13. katamo ca bhikkhave kāmānaṃ vipāko: yaṃ kho
 bhikkhave kāmayamāno tajaṃ tajaṃ attabhāvaṃ abhi-
 nibbatteti puññabhāgiyaṃ vā apuññabhāgiyaṃ vā, ayaṃ
 vuccati bhikkhave kāmānaṃ vipāko.

14. katamo ca bhikkhave kāmanirodho: phassaniro-
 dho bhikkhave kāmanirodho.

15. ayameva ariyo ātṭhaṅgiko maggo kāmanirodha-
 gāminī paṭipadā. seyyathidaṃ: sammādiṭṭhi sammā-
 saṅkappo sammāvācā sammākammanto sammā ājīvo
 sammāvāyāmo sammāsati sammāsamādhī.

16. yato ca kho bhikkhave ariyasāvako evaṃ kāme pajānāti, evaṃ kāmānaṃ nidāna sambhavaṃ pajānāti, evaṃ kāmānaṃ vemattataṃ pajānāti, evaṃ kāmānaṃ vipāka pajānāti, evaṃ kāmānaṃ nirodhaṃ¹ pajānāti, evaṃ kāmānaṃ nirodhagāminiṃ² paṭipada pajānāti, so imaṃ nibbedhikaṃ brahmacariyaṃ pajānāti kāma-nirodhaṃ.

17. kamā bhikkhave vedittabbā, kāmānaṃ nidānasambhavo veditabbo, kāmānaṃ vemattatā veditabbā, kāmānaṃ vipāko veditabbo, kāma nirodho veditabbo, kāmanirodhagāminiṃ paṭipadā veditabbāti iti yattaṃ vuttaṃ idametam paṭicca vuttaṃ.

18. vedanā bhikkhave veditabbā, vedanānaṃ nidānasambhavo veditabbo, vedanānaṃ vemattatā veditabbā, vedanānaṃ vipāko viditebbo, vedanānirodho veditabbo, vedanānirodhagāminiṃ paṭipadā veditabbāti iti kho panetaṃ vuttaṃ, kiñcetaṃ paṭicca vuttaṃ.

19. tisso imā bhikkhave vedanā, sukhā vedanā dukkhā vedanā adukkhamasukhā vedanā,

20. katamo ca bhikkhave vedanānaṃ nidānasambhavo: phasso bhikkhave vedanānaṃ nidānasambhavo.

¹nāma nirodhaṃ - machasaṃ

²kāma nirodha gāminiṃ - machasaṃ; kāmānaṃ nirodhagāmini - sīmu.

21. katamā ca bhikkhave vedanānaṃ vemattatā: atthi bhikkhave sāmisaṃ sukhā vedanā, atthi nirāmisā sukhā vedanā, atthi sāmisaṃ dukkhā vedanā atthi nirāmisā dukkhā vedanā, atthi sāmisaṃ adukkhamasukhā vedanā, atthi nirāmisā adukkhamasukhā vedanā, ayaṃ vuccati bhikkhave vedanānaṃ vemattatā.

22. katamo ca bhikkhave vedanānaṃ vipāko: yaṃ bhikkhave vediyamāno tajaṃ tajaṃ attabhāvaṃ abhinibbatteti puññabhāgiyaṃ vā apuññabhāgiyaṃ vā, ayaṃ vuccati bhikkhave vedanānaṃ vipāko.

23. katamo ca bhikkhave vedanānirodho. phassanirodho bhikkhave vedanānirodho.

24. ayameva ariyo aṭṭhaṅgiko maggo vedanā nirodhagāminī paṭipadā. seyyathīdaṃ: sammādiṭṭhi sammāsaṅkappo sammāvācā sammākammanto sammā ājīvo sammāvāyāmo sammāsati sammāsamādhī

25. yato ca kho bhikkhave ariyasāvako evaṃ vedanaṃ pajānāti, evaṃ vedanā nidānasambhavaṃ pajānāti, evaṃ vedanānaṃ vemattataṃ pajānāti, evaṃ vedanānaṃ vipākaṃ pajānāti, evaṃ vedanānaṃ nirodhaṃ³ pajānāti, evaṃ vedanānirodhagāminiṃ paṭipadaṃ pajānāti, so imaṃ nibbedhikaṃ brahmacariyaṃ pajānāti vedanānirodhaṃ.

³vedanānirodhaṃ - machasaṃ

26. vedanā bhikkhave veditabbā vedanānaṃ nidāna-sambhavo veditabbo, vedanānaṃ vemattatā veditabbā, vedanānaṃ vipāko veditabbo vedanānirodho veditabbo, vedanānirodhagāmiṇī paṭipadā veditabbāti iti yantaṃ vuttaṃ, idametaṃ paṭicci vuttaṃ.

27. saññā bhikkhave veditabbāsaññānaṃ nidānasambhavo veditabbo, saññānaṃ vemattatā veditabbā, saññānaṃ vipāko veditabbo, saññānirodho veditabbo, saññānirodhagāmiṇī paṭipadā veditabbāti iti kho pane-taṃ vuttaṃ, kiñcetaṃ paṭicca vuttaṃ:

28. chayimā bhikkhave saññā: rūpasaññā saddasaññā gandhasaññā rasasaññā phoṭṭhabbasaññā dhammāsaññā.

29. katamo ca bhikkhave saññānaṃ nidānasambhavo, phasso bhikkhave saññānaṃ nidānasambhavo.

30. katamā ca bhikkhave saññānaṃ vemattatā: aññā bhikkhave saññā rūpesu, aññā saññā saddesu, aññā saññā gandhesu, aññā saññā rasesu, aññā saññā phoṭṭhabbesu, aññā saññā dhammesu. ayaṃ vuccati bhikkhave saññānaṃ vemattatā.

31. katamo ca bhikkhave saññānaṃ vipāko: vohāra cepakkāhaṃ bhikkhave saññaṃ vadāmi. yathā yathā naṃ sañjānāti, tathā tathā voharati evaṃ saṭṭi aho-sinti. ayaṃ vuccati bhikkhave saññānaṃ vipāko.

32. katamo ca bhikkhave saññānirodho: phassanirodho bhikkhave saññānirodho.

33. ayameva ariyo aṭṭhaṅgiko maggo saññānirodhagāminī paṭipadā seyyathidaṃ: sammā diṭṭhi sammā diṭṭhi sammāsaṅkappo sammāvācā sammākammanto sammā ājīvo sammāvāyāmo sammāsati sammāsamā dhi.

34. yato ca ko bhikkhave ariyasāvako evaṃ saññaṃ pajākāti, evaṃ saññānaṃ nidānasambhavaṃ pajānāti, evaṃ saññānaṃ vemattataṃ pajānāti, evaṃ saṭaṭonaṃ vipākaṃ pajānāti, evaṃ saññānirodhaṃ pajānāti, evaṃ saññānirodhagāminiṃ paṭipadaṃ pajānāti, so imaṃ nibbodhikaṃ brahmacariyaṃ pajānāti saññānirodhaṃ.

35. saññā bhikkhave veditabbā, saññānaṃ nidānasambhavo veditabbo, saññānaṃ vemattatā veditabbā, saññānaṃ vipāko veditabbo, saññānirodho veditabbo, saññānirodhagāminiṃ paṭipadā veditabbā'ti. iti yantaṃ vuttaṃ, idametaṃ paṭicca vuttaṃ.

36. āsavā bhikkhave veditabbā āsavānaṃ nidānasambhavo veditabbo, āsavānaṃ vemattatā veditabbā, āsavānaṃ vipāko veditabbo, āsavanirodho veditabbo, āsavanirodhagāminiṃ paṭipadā veditabbā'ti iti kho pane taṃ vuttaṃ, kiñcetaṃ paṭicca vuttaṃ:

37. tayo me bhikkhave āsavā: kāmāsavo bhavāsavo avijjāsavo.

38. katamo ca bhikkhave āsavānaṃ nidānasambhavo: avijjā bhikkhave āsavānaṃ nidānasambhavo.

39. katamā ca bhikkhave āsavānaṃ vemattatā: atthi bhikkhave āsavā nirayaḡāminiyā, atthi bhikkhave āsavā tiracchānayonigāminiyā, atthi bhikkhave⁴ āsavā pettivisaḡāminiyā, atthi bhikkhave āsavā manussalokaḡāminiyā, atthi bhikkhave āsavā devaḡāminiyā, ayaṃ vuccati bhikkhave āsavānaṃ vemattatā.

40. katamo ca bhikkhave āsavānaṃ vipāko: yaṃ kho bhikkhave avijjāḡato tajaṃ tajaṃ attabhāvaṃ abhinibbatteti puññabhāḡiyaṃ vā apuññabhāḡiyaṃ vā, ayaṃ vuccati bhikkhave āsavānaṃ vipāko.

41. katamo ca bhikkhave āsavanirodho. avijjānirodho bhikkhave āsavanirodho.

42. ayaṃeva ariyo aṭṭhaḡgiko maggo āsavanirodhaḡāmini paṭipadā. seyyathīdaṃ: sammādiṭṭhi sammāsaḡkappo sammāvācā sammākammanto sammā ājīvo sammāvāyāmo sammāsati sammāsamādhī

⁴bhikkhave marammapotthake natthi

43. yato ca kho bhikkhave ariyasāvako evaṃ āsave pajānāti, evaṃ āsavanidānasambhavaṃ⁵ pajānāti, evaṃ āsavānaṃ vemattataṃ pajānāti, (evaṃ evaṃ āsavānaṃ vemattataṃ pajānāti,) evaṃ āsavānaṃ vipākaṃ pajānāti, evaṃ āsavanirodhaṃ pajānāti, evaṃ āsavanirodhagāminiṃ⁶ paṭipadaṃ pajānāti, so imaṃ nibbedhikaṃ brahmacariyaṃ pajānāti āsavanirodhaṃ.

44. āsavā bhikkhave veditabbā āsavānaṃ nidānasambhavo veditabbo, āsavānaṃ vemattatā veditabbā, āsavānaṃ vipāko veditabbo āsavanirodho veditabbo, āsavanirodhagāminiṃ paṭipadā veditabbāti iti yantaṃ vuttaṃ, idametaṃ paṭicca vuttaṃ.

45. kammaṃ bhikkhave veditabbaṃ kammānaṃ nidānasambhavo veditabbo, kammānaṃ vemattatā veditabbā, kammānaṃ vipāko veditabbo, kammanirodho veditabbo, kammanirodhagāminiṃ paṭipadā veditabbāti iti kho panetaṃ vuttaṃ, kiñcetaṃ paṭicca vuttaṃ:

46. cetanāhaṃ bhikkhave kammaṃ vadāmi, cetayitvā kammaṃ karoti kāyena vācāya manasā,

47. katamo ca bhikkhave kammānaṃ nidānasambhavo: phasso bhikkhave kammānaṃ nidānasambhavo.

⁵āsavānaṃ nidānasambhavaṃ - machasaṃ

⁶āsavānaṃ nirodhagāminiṃ - machasaṃ

48. katamā ca bhikkhave kammānaṃ vemattatā: atthi bhikkhave kammaṃ nirayavedanīyaṃ, atthi kammaṃ tiracchānayanivedanīyā, atthi kammaṃ pettivisaṃvedanīyaṃ, atthi kammaṃ manussalokavedanīyaṃ, atthi kammaṃ devalokavedanīyaṃ. ayaṃ vuccati bhikkhave kammānaṃ vemattatā.

49. katamo ca bhikkhave kammānaṃ vipāko: tividhāhaṃ bhikkhave kammānaṃ vipākaṃ vadāmi: diṭṭhevā dhamme, upajje vā, apare vā pariyāye. ayaṃ vuccati bhikkhave kammānaṃ vipāko.

50. katamo ca bhikkhave kammanirodho: phassanirodho bhikkhave kammanirodho.

51. ayameva ariyo aṭṭhaṅgiko maggo kammanirodhagāmini paṭipadā. seyyathīdaṃ: sammādiṭṭhi sammādiṭṭhi sammāsaṅkappo sammāvācā sammākammanto sammā ājī sammāvāyāmo sammāsati sammāsamādhī.

52. yato ca kho bhikkhave ariyasāvakā evaṃ kammaṃ pajānāti, evaṃ kammāna nidānasambhavaṃ pajānāti, evaṃ kammānaṃ vemattataṃ pajānāti, evaṃ kammānaṃ vipākaṃ pajānāti, evaṃ kammanirodhaṃ pajānāti, evaṃ kammanirodhagāmini paṭipadaṃ pajānāti. so imaṃ nibbodhikaṃ brahmacariyaṃ pajānāti kammanirodhaṃ.

53. kammaṃ bhikkhave veditabbaṃ kammānaṃ nidānasambhavo veditabbo, kammānaṃ vemattatā veditabbā, kammānaṃ vipāko veditabbo, kammanirodho veditabbo, kammanirodhagāminī paṭipadā veditabbā'ti iti yantaṃ vuttaṃ, idametam paṭicca vuttaṃ.

54. dukkhaṃ bhikkhave veditabbaṃ, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhassa nirodho⁷ veditabbo, dukkhassa nirodhagāminī⁸ paṭipadā veditabbā'ti iti kho panetaṃ vuttaṃ, kiñcetaṃ paṭicca vuttaṃ

55. jātipi dukkhā jarāpi dukkhā vyādhipi dukkho maraṇampi dukkhaṃ soka paridevadukkhadomanassupayāsāpi dukkhā yampiccham na labhati tampi dukkhaṃ, saṅkhittena pañcupādānakkhandhā dukkhā.

56. katamo ca bhikkhave dukkhassa nidānasambhavo: taṇhā bhikkhave dukkhassa nidānasambhavo:

57. katamā ca bhikkhave dukkhassa vemattatā: atthi bhikkhave dukkhaṃ adhimattaṃ, atthi parittaṃ, atthi dandhavirāgī⁹ atthi khippavirāgī. ayaṃ vuccati bhikkhave dukkhassa vemattatā.

⁷dukkhanirodho - machasaṃ.

⁸dukkhanirodhagāminī - machasaṃ.

⁹dandhavirāgaṃ - katthaci.

58. katamo ca bhikkhave dukkhassa vipāko: idha bhikkhave ekacco yena dukkhena ahibhūto pariyādinna-citto socati, kilamati, paridecati, urattāḷiṃ kandati, sammohaṃāpajjati. yena vā pana dukkhena abhibhūto pariyādinna citto bahiddhā pariyetṭhiṃ ājjati ko ekapaḍaṃ dipadaṃ pajānāti imassa dukkhassa nirodhāyā'ti. sammohavepakkhaṃ vāhaṃ bhikve dukkhaṃ vadāmi pariyetṭhivepakkhaṃ vā.

59. katamo ca bhikkhave dukkhanirodho: taṇhānirodho bhikkhave dukkhanirodho.

60. ayameva ariyo aṭṭhaṅgiko maggo dukkhanirodha-gāminī paṭipadā. seyyathidaṃ: sammāditṭhi sammāsaṅkappo sammāvācā sammākammanto sammā ājīvo sammāvāyāmo sammāsatī sammāsamādhī.

61. yato ca kho bhikkhave ariyasāvako evaṃ dukkhaṃ pajānāti, evaṃ dukkhassa nidāna sambhavaṃ pajānāti, evaṃ dukkhassa vemattataṃ pajānāti, evaṃ dukkhassa vipākaṃ pajānāti, evaṃ dukkhanirodhaṃ pajānāti, evaṃ dukkhanirodhagāminiṃ paṭipadaṃ pajānāti, so imaṃ nibbedhikaṃ brahmacariyaṃ pajānāti dukkhanirodhaṃ.

62. dukkhaṃ bhikkhave veditabbaṃ, dukkhassa nidānasambhavo veditabbo, dukkhassa vemattatā veditabbā, dukkhassa vipāko veditabbo, dukkhanirodho

veditabbo, dukkhanirodhagāminī paṭipadā veditabbāti
 iti yantaṃ vuttaṃ, idametaṃ paṭicca vuttaṃ.

63. ayaṃ so kho bhikkhave nibbedhikapariyāyo dham-
 mapariyāyoti.